

B. N. C.  
FIRENZE

1035

12





1035. 12



VIII

XI  
13

MT 711



ORATIO  
VICTORII MVTII  
DE HVMANARVM  
LITTERARVM  
PRAESTANTIA

*Victorius Mutius Lucinianensis Cos. Decurionibus  
Sen. Populoq; Papiensi. S. P. D.*



ANTA est, viri præstantissimi Papienses; huius vestrae Regiae ciuitatis vetustas, nobilitas, amplitudo; tantus scientiarum, virtutum & pietatis splendor; tanta deniq; aeris salubritas, agrorum fecunditas, rerumq; omnium, quas Deus Opt. opifex ad vsum hominum in terris creauit, vbertas: vt nulla sit in orbe terrarum gens neq; tam longinqua, atq; remota; neq; tam fera, atq; agrestis, ad quam non iam diu fama permanauerit, & à qua non felicissima vrbium hæc habeatur. Quæ omnia cum ipse puer adhuc legissem, & viuis verbis Bartholomei Bassij Lucinianensis proinqui mei ex ordine Frânciscanorum, qui diu apud vos in hoc celeberrimo Gymnasio Theologiam frequenti auditorio docuit, cognouissem, mira quadâ vrbis vestrae cupiditate affectus, qui nunquam è finibus oppidi Luciniani egressus eram, iter incio patre paucis collectis numulis arripuerim, & confecissem, ni patris solertia, & aucteritas me reuocasset: sed qd viuo patre, qui me, dū vixit, ex Etruria exire nunquam est passus, non licuit, mox eo defuncto

A functo



functo perfeci, Verum, cum Bartholomęum, cuius humanitate  
fretus huc appuleram, non hic, sed Alexandrię inuenissem, fortu-  
na non est passa me tunc huius vr̃bis potiri. Itaq; cum duo de vi-  
ginti annos in Insubria pręcipuę Vigleuani, & Alexandrię Grā-  
maricam & litteras humanas docuissem, constitui tandem duo-  
bus iam annis elapsis suadentibus multis, pręcipuę vero Osta-  
uianę Medę viro, vt nouistis, optimo & I. C. pręstantiss, qui nunc  
cū Flauio Torto collega non minori virtute viro Illustris, vestrę  
Reip. pręest, ad vos me conferre, sed cū iniuria temporū, lōga in-  
firmitate, & alijs rebus aduersis viaticum, quod mecum certę nō  
exiguum attuleram, cōsumpsissem, decreuerā (vt ingenuę fatear)  
ā vobis discedere, & conditiones alicuius oppidi, de multis, quę  
mihi honorificas offerebant, accipere, & certe accepissem, ni me-  
non pauci principes vjri operā & suffragia sua apud vos mihi pol-  
liciti detiquissent. Quamobrem vos etiam, atq; etiam pro, vt mi-  
hi de publicis exactionibus aliquid annui honorarij constituatis,  
quo mihi, & liberis ea saltem, quę virę sunt necessaria, per vos  
supperant, & animo æquo ac libenti filios vestros litteras & mo-  
res docere possim. Magna est certe Grammaricorū penuria vbiq;  
Magnus est meus erga uos amor & obseruantia, nec exiguā, mihi  
credite, agnosceris meam in pueris vestris erudiendis diligentia,  
ætatem videris, patriā & linguam iam sciris, litterę, mores, ac reli-  
quę qualitates cuiusmodi sint, vestrum quidem est inquirere, sed  
non meum vel dicere, vel iudicare. Orationem de litterarū hu-  
manarum pręstantia ad vos per me conscriptā, vobisq; dicatam  
vna cū hac epistola mitto, vt ex illa tum aliquid litterarū mearū  
& artium, qualescunq; illę sint, argumentū vobis appareat, tum  
Grammaricos, & humanarum litterarum doctores complecten-  
dos atq; fouendos esse cognoscatis; quę omnia si non penitus cō-  
temnenda censeris, date operam quęso, vt re ipsa tum ego, tum  
ceteri cognoscere possint. Valete. Papię XI. Cal. Decembris.  
M<sup>dc</sup>. D. XCII.

ORA-

ORATIO  
VICTORII MVTII  
DE HVMANARVM  
LITTERARVM  
PRAESENTANTIA

Ad Cos. Decuriones, Senatum,  
Populumq; Papiensem.



**S**iquis verum, Viri praestantissimi Papienses, me dicere incipientem audacem potius, quam fortem; temerarium, quam prudentem; dicacem, quam disertum existimabit, quod artem, ut ipse sentiat, admodum vilem, & certe à multis despectam non modo ab iniuria populari tuendam, sed etiam praeter hominum doctorum opinionem summis laudibus effereendam susceperim: hunc in primis mihi orandum putavi, ut vel praedicio de mente deposito causam nostram integer audiat, vel me omnes se uno excepto hac oratione alloqui arbitretur: Nam mihi nihil negotij, nihil omnino rei cum eis esse constitui, qui velint causam minime cognitam iudicare. Quare vos oro, viri sapientissimi Pap. ut de me, cum cognoveritis, de re ipsa, cum audiueritis, iudicetis. Nam ego nisi viderem & Platonem philosophorum omnium facile principem quasi lege quadam sibi imposita cuiuscunque virtutis, artis, aut muneris tractationem ab educatione aufpicantem; nisi scirem viros clarissimos antiquitus, hoc est, antequam falsae opiniones hominum mentes obruerent, in arte docendi atque consumpsisse; nisi apud auctores complures, eosque probatissimos legissem, Grammaticos, & Rhetores maximo semper in honore apud Romanos praefatos habitos fuisse, plurimisque atque amplissimis privilegijs à sapientissimis Imperatoribus decoratos: Nisi mihi compertum esset Alexandrum Magnum illum Macedonem se plus magistris, quam parentibus debere sapiens affirmasse: Nisi denique ipso visu perspectum cognitumque haberem, in bona & in mala educatione felicitatem & miseriam tum privatum cuiusque, tum publicam omnium positam esse; credere fortasse cum multis hanc artem docendi esse minimi ponderis, minimique inter artes



alias faciendam: *Ni* artibus omnibus haud quidem eruditum (quis enim mortalium id assequatur?) sed quoquo modo imbutum, & quasi tinctum cum esse oportere cognoscere, qui has litteras, quas merito humanas appellat, profiteri velit; *ijs* assentire, qui pertenui eruditione, Grammaticis nempe formulis, poetarumque fabellis pertractandis eam contineri assueverant: *Ni* labores continuos, molestos, ingentes ex adolescentibus instituendis excipere consuevissem, ab illis stare, qui laboribus perexiguis docendi muneri satisfacere posse non dubitant affirmare: Cum ergo haec omnia secus esse videam, atque homines arbitrantur, quid agamus? quid moliamur? quo me vertam? Num contra communem opinionem hanc humanarum litterarum dignitatem oratione mea, quasi paradoxo quodam, tuear, atque defendam? An potius contra propriam conscientiam obtestatoribus, quasi hostibus immaniissimis, artem illam, a qua humanae societatis salutem pendere video, non deprimendam modo, sed etiam diripiendam, delendamque relinquam? Neutrum equidem faciam, viri praestantissimi. Papienses, sed ita humanas litteras, easque proficentes extollam, ut nihil ab hominum sapientissimorum sententia, nihil a veritate discedam. Neque enim communem opinionem eam esse desinio, quae ab hominum stultissimorum cupiditate profecta omnia priuata utilitate, & umbratili quadam, sucataque dignitate metitur: sed eam, quae a ratione desumpta, doctrina exculta, virtute confirmata omnia ad publicam hominum salutem refert. Atque ne vos longius exilibus verbis, inanique oratione morer, ego, viri doctissimi Pap. decreui hodierna die hanc humanarum litterarum facultatem nescio qua insigni hominum vel nequitia, vel cecitate seruituti addictam non solum liberali asserere causa manu, sed ubi eam, (ut equidem spero) in libertatem vendicauero, tantum animi, tantum fiducia, tantum roboris ipsa praeseferet, ut in planum campum descendere audeat, & non solum cum Medicina & physica, sed etiam cum ipsa domina rerum iuris legumque prudentia praelium ineat, ac domum artium omnium spolijs opimis onusta, triumphansque reuertat. Praestate vos mihi, quaso, viri humanissimi, parumper aures vestras attentas, teretes, atque benignas, dum quae me dicturum, probaturumque vobis proposui, quam potero breuissima oratione praestringam: & si qua vel iam audistis, vel audiueritis praeter opinionem vestram, equi bonique consulite; licet enim vobis quaecumque a me hodie dicta fuerint, quae aliquo modo aures alicuius vestrum offenderint, disputationis potius, & exercendi rudis ingenij gratia, quam veritatis causa dicta censere. Sed, ut apertius veritas, quam inquirimus, elucescat, imprimis videamus oportet, quid ipsa sit facultas, de qua agimus, quibus in rebus versetur, quid homi-

nibus

nibus præstet, Est autem, ut verbis paucis multa comprehendam, litterarum, vitæq; magistra, versatur in Grammatica, Rhetorica, philosophia, his tribus artibus constat, in his tota est, ab his est orta, educata, edocta; Id autem in hominum genus utilitatis confert, in hoc elaborat, id agit, ut iuvenes perquam exultos, & quam optimos reddat ratione, exemplo, fictione. Itaq; ijs, qui cum litteris artem viuendi docent, post ipsos Grammaticos, & oratores philosophos, historicos, poetas sibi magistros, & adiutores aggregant, Papa, inquit, quam generosos sibi parentes, & magistros ascribit? quam decoros, quam illustres? Quid igitur? num secus vobis videtur? num Grammaticis formulis, quasi terminis, est circumscriptus, qui Grammaticam docet? num vobis nullo pacto fieri posse videtur, ut quisquam sine multa, & diuturna oratorum lectione dicendi, aut etiam loquendi elegantiam doceat? An vero is vobis iuuentutis moderator probatur, qui, cum optime dicat, pessime tamen viuât, & cum bonis litteris non etiam bonos doceat mores? Ego vero sine philosophis neque rectè dici, neq; rectè viuî omnino posse statuo, de ijs autem philosophis loquor, qui virtutes à vitijs distinguunt, & non stellarum naturam, situs, motus, vim, potentiâque scrutantur, sed qui viuendi præcepta tradunt, qui quomodo per se soli, quomodo cum domesticis, cum propinquis, cum ciuibus, cum externis, cum amicis, cum inimicis domi, forisq; in pace, in bello, in republica, & priuata viuere debeant homines ostendunt: Nam quomodo alijs moderabitur, qui ipse sibi moderari nesciat? Quid hoc est aliud, quam si quis cæcus, dum alios ducit, omnes secum præcipites trahat, vel artis penitus expertus, dum nauem gubernat, socios secum pessundet, ac perdat? vel, dum via ignarus cæteros ducat, in latrones incurrat, qui illum cum comitibus spoliarent, cadant, obruncent? Quid? an non est peius animi, quam corporis naufragium? An non plus mali accidit, si uitiorum, quàm si latronum præda sis factus? sed dubium non est (dicet fortasse quispiam) quin vitæ moderatio sit ab istis petenda, at dicendi præcepta Rhetorum, est tradere non philosophorum: Rhetorum certè præcepta, sed materia tota est philosophorum, quod optime comprobauit Horatius dicens.

Rem tibi Socraticæ poterunt ostendere chartæ.

Arte Poe.  
Orat. li. i

Et Cic. ex rerû abundantia & magnitudine efflorescat & redundet oportet Oratio. Itaq; quoquo teueris, dilucidè cognoscis artes omnes, quas posui, necessarias esse doctori, quem inquirimus, & de quo agimus: Næ neq; sine philosophia quid dicat inuenire, neq; sine Rhetorica disponere, neq; sine Grammatica eloqui poterit; neq; rursus siue philosophia rectè viuere, nec sine Rhetorica vel ad litteras complectendas, vel ad rectè viu-

uiuendum iuuenes poterit adhortari. At per pauci sunt præclari isti doctores, inquit; Utinam falsa diceretis, ut essent permulti: Nec tamen ( etsi non inficior in numeros esse, qui alijs se ad ea duces præbent, quæ nequidem per transennam ipsi viderunt ) tam pauci sunt, quin aliqui reperiantur, si quærat, pluresque longe essent, si per homines esse liceret: Multi enim ab hoc onere abhorrent non propter molestiam, aut laborem, sed propter hominum opinionem, cum videant doctos, & rudes; segnes, & industrios; laboriosos, & otiosos; bonos, & malos; honestos, & turpes vno nomine omnes haberi: cunq; pauci boni, & docti, per multi vero sint indocti, & mali, ut pauca frumenti grana in magna vel lollij, vel Avena quantitate commista bestijs pro lollio obijci solent, sic boni vna cum malis penitus contemnuntur, nec vident, quæ hominum est incuria & negligentia, bonos nihilominus bonos esse inter malos, quam inter bonos, sicuti frumentum bonum non minus sua natura est bonum inter lollium, auenamque commissum, quam separatum, & à cæteris seminibus prorsus discretum. Quid ergo? cum milites gregarios minimi faciant, etiam per strenuos pugnatores, etiam fortissimos Duces contemnendos putabunt? Atqui, si Iuliano sapientissimo Imperatori, eiusq; decreto lege 7. C. de profef. & Med. ciuitates parerent, artem tanti momenti nullus non vita, & litteris probatus exerceret: Ita enim dicit. Magistros studiorum, doctoresq; excellere oportet facundia & moribus, sed quia singulis ciuitatibus ipse adesse non possum, iubeo quis quis docere vult, non repente, nec temere prosiliat ad hoc munus, sed iudicio ordinis probatus decreto curialium mereatur optimorum consensu conspirante; huic autem legi astipulantur l. 2. C. item de profef. & Med. Quæ leges, si ut debent, seruarentur, sane quidem per multi multos annos litteras & mores discerent, antequam alios docere inciperent, qui complures pueros per tenebras ducant: Nec tamen id à me aut arroganter, aut inuide dictum existimari velim; nā neq; quicquam de me dico, neque vllum aut hic, aut alibi nomino, neque sine bonorum exceptione loquor; sed hac de causa in huiusmodi sermonem prorsus inuitus descendi, quia pueros honestissimo loco natos honestissimis quibusque moribus, & præstantissimis quibusq; scientijs excellere cupio, quod quidem fieri nulla ratione potest, dum & quibusuis docere publice licet, & parua patres familias diligentia veniunt in eorum, quibus liberos suos erudiendos committunt, doctrina moribusq; scrutandis, quandoquidem, & multi sunt, (non de hac vrbe loquor, sed de cunctis) qui, cum nihil sciant omnia se posse docere profitentur, & pueri non ad eos magistros concurrunt, apud quos plurimum proficere possint, sed ad eos, apud quos liceat

omni

omni cum licentia vivere. Itaq; n̄ patres hac in re prudentissimi, atque diligentissimi sint, pessime se res habet, actum est prorsus de doctrina & moribus civitatis, & orbis; Quod an Papiæ fiat, vestrum, haud meum statuo inquirere, videre, iudicare, consulere. Sed iam eò redeat, unde huc longius fortasse, quam decuit, est oratio nostra digressa; constat inquam hæc ars ex tribus artibus ingenuis omnibus atq; nobilibus. Itaq; licet quis purus, ut aiunt, Grammaticus sit, tamen in sordida arte, ut pleni; existimant, non versatur, nam cur alioqui sunt ingenuæ à servilibus sortidusq; discretæ, si vno loco ingenuas & sordidas habent? An vero non est bis temporibus eadem utilitas, quæ olim fuit, ex arte Grammatica? non ita nunc, ut olim, est necessaria? An vero hac ætate sine Grammatica ad alias artes, & scientias aditus patet, cum minime quondam pateret? Quod si non patet, si ars eadem est, & talis, quæ olim, & qualis fuit, cur propter hominum impudentissimorum, atque stultorum ignorantiam, & improbitatem sua dignitate priuatur? cumq; non modo libera, sed ingenua quoq; sit, atq; ita, ut alia nulla sine hac esse possit: cur servam obstinatis animis esse asserunt? quæ illos stultitia, quæ ne iniquitas ducit? At quid abiectius, dixerit fortasse quispiam, quam munere quasi liætoris alios pueros virgula cadendo desingit? Os durum, atq; adeo importunum, & ab hominum genere exterminandum, si quis operam adeo benevolam, adeo paternam, adeo humanæ societati utilem, & necessariam vitio vertat, & probro. Pro Deum Immortalem num liætor, num carnifex nobis institutor videtur, dum ferula in pueros utitur? dum peccata punit? dum vitia exterminat? dum ignorantiam pellit ex animis? Cur non potius index benevolus, cur non potius pater amantissimus existimatur? Ecquid, obsecro vos, id aliud est, quam quod eximij statuarij, ceteriq; summi opifices efficiunt, dum quæ opera adhuc rudia vel ipsi, vel alij fecerant, ultimo loco perficiunt, si quid inest vitij tollunt, & ad unguem, ut dicitur, expoliunt, antequam ea populo publicè spectanda exhibeant? An non id in hominibus est faciendum, ut corrigantur, dum teneri sunt, & vitij depulsis ita ad civilem, & verè humanam morum compositionem reducantur, ut, cum in publicum prodeant, nullam reprehensionem inueniant? Valeant, secessant ab hominum cœtu, in silvis & solitudine vitam degant, qui vocem tam importunam, ne dicam immanem, & ferinam, effutiunt. Alius vero vilem Grammaticam dixerit, quod quasi mercede conducti ad docendū Grammatici veniant; quem, si quis sit, ita reprimam, ut fortè id amplius proferre non audeat: Nam siue in mercedem, siue stipendium appelles honorarium illud, quod præceptoribus impenditur, siue id sit publice, siue priuate

private impensam, dicas mihi velim, quis tandem sit in litterarum genere, qui sine mercede, vel mercedis spe tibi ullo in genere laboret? Quis ex iuris peritis, (ut ab ijs potissimum exordiar, qui summo in honore versantur), siue magistratus, siue causarum patronus aut sententiam sine collybo & sportulis promulgat, aut causam agit sine pretio? Quis tandem vel in hoc celeberrimo scientiarum emporio, vel in alio de arte, seu scientia quapiam sine premio vel saltem sine spe premij legit? dicerem grauiora, si liceret, sed reticenda reticeo: Quod si nullus est, qui artem suam sine premio velit exercere, quæ hæc iniuria est, quæue iniquitas, ne dicam amentia, ut Grammaticos labores continuos, ingentes, molestos sine ullo premio nos velis subire? Sed adest

Pri. Off.

Cic. qui apertissimis verbis sordidas, & serviles artes ab honestis, liberalibusque; secernit, ita dicens. Illiberales autem & sordidi quæstus mercenariorum omnium, quorum opera, non quorum artes emuntur; cumque artes sordidas dixisset, hæc de ingenuis dicit. Quibus autem artibus aut prudentia maior inest, aut non mediocri utilis queritur, ut Medicina, Architectura, aut doctrina rerum honestarum, hæc sunt ijs, quorum

Pol. l. 8. c. 2

ordini conueniunt, honestæ. Aristoteles quoque nobis est præsto dicens, exercitia, artes, disciplinas illas viles esse putandas, quæ corpus, aut animum, aut mentem liberi hominis ad usum, & opera virtutis inutilem reddant. Num Grammatica vna ex ijs est, quæ homines inutiles reddunt? An non potius vna & sola, quæ homines ad omnes artes, & exercitia mente homine digna domi, forisque; aptissimos efficit? & sine qua omnes, vel artes, vel scientias necesse sit ignorari: quamquam hæc videri possunt, & si verissima sunt, fortasse cuiusdam leuiora, cum sine auctoritate Imperatorum, a quibus omnis dignitas petebatur, dicta exilius videantur. Adeste animis ergo, & quæ de Grammatica sanxerint Imperato-

1. Proto-  
physicos.

res, attendite. Const. Imp. August. l. 6. C. de profess. & Med. ita sanxit Medicos, & maxime Archiatros, & Exarchiatros, Grammaticos, & professores, & alios liberalium artium Doctores vna cum vxoribus, & filijs, nec non & rebus, quas in ciuitatibus suis possident, ab omni functione, & ab omnibus muneribus ciuilibus, vel publicis immunes esse præcipimus, & neque in prouincijs hospites recipere, neque ullo munere fungi, nec ad iudicium deduci, nec exhiberi, vel iniuriam pati, ut, si quis eos vexauerit, pœna arbitrio Iudicis plectatur; mercedes etiam eorum, & salaria reddi iubemus, quo facilius liberalibus studijs, & memoratis artibus multos instituant. Videte præterea l. 6. de exc. tut. & temp. At Grammaticis, Rhetoribus, sophistis datur immunitas. l. fin. ad finem ff. de mun. & hon. l. Maximarum de excus. mun. l. 1. C. de decr. Dec. l. xi. de profes.

profes. & Med. qua omnes, & alia leges complures, priuilegia, immunitates, & honores continent Grammaticis, & Rhetoribus per Imperatores traditos, & concessos. Taceant iam ergo taceant, & penitus obmutescant, quicunq; Grammaticam inter sordidas, & illiberales artes cōnumerandam assueuerant; omnesq; tum ingenuam, tum nobilissimam, tum hominum generi utilissimam esse fateantur. Sed num isti otiosi insectators, quod de Grammatica dicere nequeunt, de Rhetorica dicere audebunt, aut de Philosophia? Equidem hominem adeo temerarium, qui artes, & facultates tam nobiles, tam insignes, tam inēlytas deprime re audeat, arbitror neminem, & si quis tamen sit, eum certe non magis, quam aut cuculum, aut coruum audiendum existimo. Nam eorum altera est, qua eo vno, quo homines bestiis praestant, ipsis nos hominibus praestamus, qua hominum mentes vnde velimus deducimus, & quo velimus impellimus, qua talis est, vt eam Cic. partem praecipuam ciuili sciētia appellerit, tam difficilis, vt idem rem vnam omnium difficillimam dixerit; tanti momenti, vt eam semper in urbanis pacatisque rebus primas tenuisse affirmet, secundas iuris sciētiā: tam late patens, vt ex plurimis artibus studiisq; collectam esse asserat, nequeq; in ea vllum vnaquam sine omni sapientia floruisse, vt clamet se mirari, cur ex omni memoria etatū, temporū, ciuitatum tam exiguis oratorum numerus extiterit. Altera vero est, qua rationem excolumus, & mentem, quibus non solum animatibus cunctis praecellimus sed et ipsi nos quodammodo celestibus aequamus, quamq; meritissimo Cic. noster artū omnium procreatricem, & quasi parentem appellat: Nec vlli non penitus indocto dubium esse potest, quin ipsa sit virtutum omnium cultrix, vitiorum expultrix, vite moderatrix. Quamobrem, cum minus sit dubitandum quin & iuuentutis moderatori he tres artes vna cum rerum multarum, variarumq; cognitione sint necessariae, & harum quęuis honestissima sit, & nobilissima; iam illud videamus oportet, vtra duarum alteram dignitate praecellat, hæc ne docendi, an illa medendi facultas; nam Medicina, vt equidem spero, deuicta cum iuris prudentia congrredi non dubitabimus. Iam ergo in campum Hippocrates aliquis descendat, Galenus, Auerroes, aut Auicenna, usq; in me omnibus viribus suas hastas interqueat; Dum ipse Aristarchi, Demetrii, Apollonij, Donatiue personā induutus fortissime, quantum poterō, conatus illius propulsabo: sed ecce cum illum, iam me distributo gladio petit, iam, ni caueo, mihi caput abtruncat. Nam superbissime, atq; potenti ssimē inuadit dicens. Ecquid hominis est hic profugator? Num Milo Crotoniater, qui hominem per stadium recto anhelitu portauit, eumq; pugno necatum ait vno solus deuorauit? An Tritor-

p. de inu.  
Bruto.

Orat.  
De Or. 1.  
De Or. 2.  
De Or. 3.

Orat. L. 1.



nus Busequus, qui taurum maximum furentem pede assumpto retinuit?  
Num Messenius Aristomenes, qui solus tercentum validissimos mili-  
tes Lacedæmonios interemit? Num Theseus, num Hercules? nū Sanson?  
qui nos ita contemnat. Pro pudor iam Elephanti, atq; Leones mustel-  
las, muresque timebunt. Quid ergo nos fecimus, in quo elaborauerunt  
eura, atque vigilia nostræ? Quid tandem Logicam percipiendo sum lu-  
cratus? quid calum cum philosophis tam arduo itinere peruagando per-  
fecit? quid mihi Stellarum naturam, vim, ortus, motus, status, magnitu-  
dinemq; cognovisse prodest? quid cometarū, prodigiorumq; reliquorū præ-  
dictiones? Quid pluvia, tempestatis, æstus, hyemis, abundantia, penuria,  
pestilentia tenere easas? Quid animalium omnium naturas tam va-  
rias, mores, vires, vitam, mortemque novisse? Quid arborum herbarum,  
stirpiumque omnium vim seu bonam, seu malam? quid tantam morbo-  
rum varietatem? quid eorum causas? quid eorum remedia, si vel Gram-  
matici nobiscum se conferre non dubitant? Nec tamen hoc tanto tan-  
que lethali tela ingentis, ac prope miræ rerum omnium cognitionis in-  
me proiecto quiescit, sed alia etiam ad armorum genera confugio: nempe  
nos sumus, inquit, qui homines à morbis ad sanitatem, à doloribus, ad  
voluptatem, ab infirmitate ad vires, et robur, à morte tandem ad vitam  
reducamus. Num tanta, aut etiam maiora Grammatici, vel isti, qui se  
se humanistas appellant, hominibus præstant? Hæc fere sunt, quæ per nos  
Medici, nobis obici solent ad excell. vestram effereendam: Quæ tamen,  
si solæ essent, minime nos commoverent, sed quasi vos honestum locum ob-  
tinere non possitis, nisi nos prostraveritis, etiam multa insuper additis  
ad nostram facultatem deprimendam. Nos, videlicet cum pueris igna-  
ris rem habere, nihil cum viris prudentibus, nihil cum doctis agere, qui  
possint de nostra seu doctrina, seu ignorantia iudicare, in arte tam co-  
gnitu facili versari, tam simplici, tam demissa, quæ vel sine doctore  
percipi possit. Quæ omnia, & singula quemadmodum ipse propulsem  
obsecra vos, per quam diligenter attendite. Nihil est, ò vos phisici,  
cur tam elate, tanque magnifice de vobis, tam humiliter, tanque  
demisse de nobis sentiat. Nam ipse nunc omnium, quotquot sunt, huius  
artis causam agens, cum vos præstantissima in arte versari non inficiar,  
cum nihil in homine Deo similis esse confitear, quam salutem homini-  
bus dare, cum ea, quæ vos tractatis, mirabiliora, & vendibilia esse non  
negem: quæne ea, quæ nos? Nihilominus concedendum vobis minime  
puto, ut vel præstantior, vel humana societas utilior vestra, quam no-  
stra sit, aut esse possit industria: Nec ob id existimare vos velim cum  
Hercule, aut cum Herculis simile aliquorem habituros: Atqui neque  
cum

cum Mutio, qui nihil mutiat, sed cum Herilo, si cum meministis Ma-  
roniano,

Nascenti cui tres animos Feronia mater  
(Horrendum dictu) dederat, terna arma mouenda,  
Ter letho sternendus erat.

Tres enim animas à Feronia, quam hic interpretor humanarum littera-  
rum scientiam, hodierno die sum mutuatus. Itaque non est, cur vllò  
pacto spolia vos mihi detracturos speretis, sed maxime cur in trium-  
phum à iamiam ex Herilo Victorio facto vos victos ductum iri timea-  
tis. Nam tantum illum telum à vobis omnibus nervis in me, primum  
illatum, ac celsius vsque demissum ita possem, si vellem, rejicere, ut cum  
Cic. vobis ostenderem Grammaticam vim pene infinitam artium con-  
tinere, artemque nostram latissima patere, & quod est iam dictum, huius  
facultatis expertem esse oportere eum, qui litteras humanas docere  
velit, cum ars vestra, & reliquæ suis se finibus teneant, sed tamen, ut di-  
xi, vestrum gladium, neque in caput, neq; in latus, neque in scutum  
excipio, neque vllò modo propulso; sed agilis admodum gladiatoris instar  
paulum subito de loco cedendo in terram prolabi sino damnosum vobis  
potius, quam mihi, ut vos putastis, lethalem. Concedo inquam vobis, &  
prohibens fateor, vos in difficultate, quam nos, arte versari, quod ob diffi-  
cultatem sit ars vestra, quam nostra præstantior, id vero pernego, nec  
magis omnino id vobis concedendum existimo, quam si ex eadem aqua  
cum liceret è radicibus montis haurire quantum velletis, vos tamen  
preruptam montem conscendentes aquam ex altissimo puteo hauriretis  
dementis enim non sapientis est, mea quidem sententia laborem non ne-  
cessarium querere; nec laboris aut periculi trinita, sed fructus; atque  
utilitatis, vera duarum facultatum potior sit, censeo perpendendum; nec  
privata artificis (nam si id est, vicistis) sed publica populi; avari nam-  
que est, pusillanimi, vereque vilissimi labores omnes suos, & opera ad  
propria commoda: Magnanimi vero, ingenui, vereque fortissimi ad cõ-  
munem omnium salutem referre. Quare hoc prætermissò, quod nos ni-  
hil prorsus offendit, illud videamus oportet, num alterum illud telum à vo-  
bis illatum clipeo à me exceptum latus attigerit, sanguinemque elicerit,  
quod ego non sentio: Dicitis enim vos secundo loco, ea de causa laudem  
ingentem mereri, quod hominibus egris præsto sitis, essque medicinam  
faciendo à morbo, à dolore, à morte liberetis; & vera dicitis, nec enim  
sum vel tam inscius, quin id cognoscam, vel tam inustus, quin, quod  
est vestrum, animo libentissimo vobis concedam: Est enim, ut vere  
dicitis, in terris nihil divinius, quam hominibus salutem reddere, sed



duo hic à vobis peto, prius nam illud Aristotelicum vobis probetur. Omnis ars, omnisq; discendi via, actio item, atque electio bonum quoddam expetere videtur; Imò quidem non videtur, inquitis, sed vere expetit, hancque ob causam potissimum nos ceteris omnibus preferendos putamus, quod ars nostra hunc finem expetit, eò dirigitur, atque intenditur omnis, ut homines saluos faciat, quo nihil in operibus hominum potest esse praestantius. Sit ita sane. Sed quid ad illud, quod à vobis secundo loco peto, praestantior ane, an viliora praefenda censeatis? Homines, vel stultissimi hoc intelligunt, inquitis, praestantiora cum praefenda, cum eligenda censemur, & dicimus. Bene sit vobis. Sed num molestus ero, si tertium addam? Quid istud? Animum ne praefentorem putatis, an corpus? Animum multis partibus praefentorem asserimus, quis non videt? terrenum hoc enim, caducum, corripibile, mortale; ille vero celestis, firmus, incorruptibilis, immortalis; commune nobis corpus cum equo, cum mulo, & ceteris animalibus immundissimis; Animus vero cum Angelis, Cherubinis, et ceteris Spiritibus purissimis. Cedit iam victi xiffertibus arma, phisicet, praefite victi triumphum, quando quidem ita estis prostrati, atque denicti, ut amplius certare nullo modo possitis; huc enim ars vestra tendit, ad hoc vnnum: cuncta vestra refertur industria, ut corpora hominum bona possint valetudine uti, & quam diutissime viuere; nostra vero, ut animos incorruptissimos serues, ut vitiis omnibus declinatis virtutes amplectantur, & colant, quo non diu modo, sed perpetuo. viuant fama, & memoria hic apud homines, vita autem vera, & aeterna in caelis apud Deum. Itaque quanto est animus excellentior corpore, tanto est ars nostra, quā vestra praefantior. Sed iam est tempus, ut vobis prostratis, me victor ad aciem iuris peritorum conuertam: est autem haec legio praetoria, quae constructa phalange non patitur debellari, & adhuc quidem se mirae virtute feruat inuictam: At tamen ego recenti victoria elatus Herculis instar nullum quantumvis periculosum facinus extimesco; quinimo quanto periculosius est, tanto illud aggredior animosius; Nec enim sine periculo fieri potest magnam, & memorabile facinus; ut comicus ait; Accedite iam ergo iuris legumq; periti, Accedite, nec vos pudeat viros fortissimos cum gente imbellem, imbecillam, inermem confingere; namque armis fortissimis etiam nos pugnamus, etsi nulla videtis, quod an verum sit, vel ex hoc ipso cognoscere potestis, quod tam facile inermes, ut videbamur, phisicorum aciem, licet fortissimam, profligauimus, & ut dicitur, ad internicionem delenimus. Itaque non est inquam, cur hos pudeat nobiscum pugnare, tanquam cum hominibus nullius.

nullius gloriæ, nullius nominis, nullarum virum; sed potius cur nostri  
 meatis, tanquam fortissimos, tanquam uictores. Iam uideo quid agatis,  
 nos penitus indignamini, penitusq; despiciatis. Atqui nos nullū unquam  
 hostem, neq; timendum, uti fortissimum, neq; contemnendum, uti vilissi-  
 mi existimauimus: Meminimus L. illum Martiū fortissimum virum  
 Romanum cum paucis Scipionis militibus paucorum reliquos duos  
 fortissimos atque uictores hostium exercitus una nocte debellasse, &  
 quod duo fortissimi, & summi nominis Imperatores integris viribus  
 sustinere non potuerant, ipsum non Imperatorem, sed priuatum; non  
 Principem, sed equitem cum paucis fractis hominibus delcuisse. Ne  
 nos spernatis ergo: Nam nos non una nocte, sed una hora phisicos,  
 Iurijq; consultos prostrata uros speramus, & alteris deuictis eo vos al-  
 teros aggredimur audacius, quo nos ipsa uictoria facit alacriores. Di-  
 cimus nos, asserimus, affirmamus (adeſte nam monitos etiam non pu-  
 gnantes inuadimus) artem nostram maiora dignam laude esse quam  
 ueſtram. Quid uos ē Negamus, inquitis, at aliud expectare non po-  
 teram: sed id iure, an iniuria dixerim, iam omnes attendite. Peto pri-  
 mum a uobis utrum maiore laude dignum existimetis eum ne, qui plus,  
 an eum, qui minus Reip. prodest? Qui plus ſauē; nam quis aliter dixe-  
 rit? At ē duobus medicis, quorum alter pharſiacis, uñctionibus, uena-  
 rum incisione, alijsq; remedijs, & medicinis a morbo egros uos, a dolo-  
 re, a morte liberaret; Alter uero antidotis ita uobis bonam, firmamq;  
 ualitudinē praeſeruaret, ut omnis agrotationis expertes ſenio conſecti  
 eederetis ē uita, uter uobis utilior uideretur? At tanta ineſt differen-  
 tia, inquitis, inter hac duo genera Medicorum, ut ſiquis horum, quos ſe-  
 cundo loco poſuiſti aliquem inuenire poſſit, ſatuus ſit, ni pro uno illo al-  
 teros omnes contemnat: Quid enim eſt illis opus, quidue ſuccis amaris,  
 ubi quis ſit, qui nos nullo unquam morbo vexari patiatur? Agite iam,  
 ne uos diutius morer, utri uos horum medicorum ſimiles eſtis, utri noſ?  
 Uos certe id agitis, ne morbi, id eſt, uicia, qua peſſimi ſunt animi morbi,  
 in graueſcant in populo, dum fontes carcere, uinculis, compediſque  
 coercitis; dum pecunia, cruciatu, exilio, ſeruitute, dedecore, morte puni-  
 tis. Nos autem quid agimus? certe, ut uirtutibus, & uitijs cognitis  
 horumque perterriti turpitudine, et illarū pulchritudine allekti bene age-  
 re conſueſcant: Itaque ſi quod ipſi praeſcripſimus, homines praſtarent,  
 nulla opera ueſtra opus eſſet in mundo, nullo iudice, nullo aduocato,  
 nullis liſtoribus, nullis carceribus, nullis uinculis, eſſentq; penitus ho-  
 mines, quales tunc erant, cum

Verſ. Ou.  
 pr. Met.

Sponte ſua ſine lege fidem, rectumq; colebant.

1. Offic. Id enim vere demum est iustum, quod recte sit, si est voluntarium, ut optime Cic. & latius Arist. demonstravit. Quod vero vos id agatis non video; Nam quod homines per vos supplicia metuentes non furentur, non rapiant, non interficiant, non adulteri, non sacrilegi sint, non denique vltio genere iniuriosi, id nentiquam amore virtutis consingit, sed formidine pœne, quam si tollatis, nullum sceleris genus deerit: Tam diu enim ij, quos multatis, peccata denigrant, quam diu se his à vobis puniendos exhorrent: Nos vero labores nostros eò referimus omnes, ut hanc animis sententiã adolēcentes imbibant, id omnino constituent, sibiq; proponant, nihil esse querendum præter virtutem, nihil præter vitium fugiendum. Nihil vtile esse, quod honestum non sit, nullum in vita malum, nisi peccatum. Quæ quidem qui sibi apud animum proponit, is sine dubio in re priuata, & publica omnibus per quam vtilis erit, is quoscunque poterit, semper consilio, re, opera, vita iuuabit, neminemque vltio læserit, is domi, forisq; quod iustum est, & honestum togatus, armatus semper præstabit. Is non priuate sue, sed pub. vtilitati studebit, nulla is ambitione, nulla cupiditate vexabitur; Is tandem rebus, & fortunis suis contentus ita felicem vitam traducet, ut ab hac ad felicissimam illam, eternam, cœlestem ascendat. Quare non video, viri nobilissimi Pap. cur non debeat hæc nostra facultas, & industria cæteris omnibus artibus, facultatibusq; præferri: Nam, si hæc in eo, quo maxime dignam videtis, honore viueret, si iuuenes Grammaticam, Rhetoricam, moralemq; disciplinam perciperent; nullum est dubium, quin vita hæc nostra, quæ nunc est instar mortis, vitæ cœlesti, atque diuinæ persimilis esset, quod quia non fit,

Viuitur ex raptō, non hospes ab hospice tutus,  
Nec socer à genero, fratrum quoque gratia rara est.  
Imminet exitio uir coniugis, illa mariti;  
Lurida terribiles miscent Aconita nouerca;  
Filius ante diem patrios inquit in annos;  
Victa iacet pietas; & virgo cæde madentes  
Vltima cælestum tetras Astrea reliquit.

Demus ergo operam, viri Pap. ut Astrea, id est, Iustitia, quæ in cælum propter hominum vitia remigravit, aliquando propter nostras virtutes in terram reuertat, quod mihi credite, facile consequemur, si à pueritia ita homines instituuntur, ita viuere assuescant, ut nul-

lam

lām putent utilitatem ab honestate seiunctam; ut paupertatem, servitutem, exilium, cruciatum, mortem turpitudini, atque iniustitię anteponendam existiment. Hoc autem tunc optime fiet, cum & doctis probatisque hominibus liberos vestros erudiendos commiseritis; & optimum, atque doctissimum quemque summis honoribus, dignisque premijs affeceritis. Dixi

F I N I S.



THE HISTORY OF THE  
LIFE OF  
JAMES OGLETHORPE  
BY  
JAMES OGLETHORPE  
OF THE  
CITY OF SAVANNAH  
IN THE  
STATE OF GEORGIA  
1733

21117



Angelo \* Pandimiglio



\* restaurantore \*

\* 825650

\*

8274800 \*

